



Samtök sveitarfélaga á höfuðborgarsvæðinu

**611. fundur stjórnar SSH
var haldinn í fjarfundi, mánudaginn 18. ágúst 2025
og hófst hann kl. 13:00.**

Fundinn sátu:

Heiða Björg Hilmysdóttir, Ásdís Kristjánsdóttir, Björg Fenger, Regína Ásvaldsdóttir, Valdimar Víðisson, Þorbjörg Gísladóttir, Þór Sigurgeirsson, Hildigunnur Hafsteinsdóttir lögfræðingur SSH og Páll Björgvin Guðmundsson framkvæmdastjóri SSH.

Fundargerð ritaði: Hildigunnur Hafsteinsdóttir, lögfræðingur SSH

Heiða Björg Hilmysdóttir formaður stjórnar setti fund og gengið var til dagskrár.

Dagskrá:

1. Markaðsstofa höfuðborgarsvæðisins - 2409009

Fyrirliggjandi er erindi Markaðsstofu höfuðborgarsvæðisins, sem barst hinn 13. ágúst 2025, þar sem óskað er eftir tilnefningum stjórnar SSH til stjórnar og stefnuráðs Markaðsstofunnar en SSH skal tilnefna fjóra stjórnarmenn auk tveggja til vara og sex einstaklinga í stefnuráð. Þess er óskað að tilnefningar berist eigi síðar en 9. september nk. en aðalfundur verður haldinn 16. s.m.

Þá er fyrirliggjandi minnisblað lögfræðings SSH vegna þessa erindis, en gert er ráð fyrir að formleg tilnefning fari fram á fundi stjórnar 1. september nk.

Niðurstaða:

Lagt fram til kynningar. Tilnefningar verða ákveðnar á næsta fundi stjórnar 1. september nk., og mun stjórnarfolk senda tillögur sínar þessa efnis til skrifstofu SSH fyrir það tímamark.

2. Lóðir í umráðum byggðasamlaga - 2506008

Fyrirliggjandi er tölvupóstur slökkviliðsstjóra dags. 4. júlí 2025 ásamt fylgiskjöllum hans, en þar er vísað til bókunar fundar stjórnar Slökkviliðs höfuðborgarsvæðisins dags. 13. júní 2025. Bókun fundarins varðandi lóðir í umráðum slökkviliðsins er svohljóðandi: "Umræður halda áfram á vettvangi SSH. Stjórn samþykkir að slökkviliðsstjóri vinni tvær sviðsmyndir varðandi slökkvistöð í Tónahvarfi í samstarfi við Kópavogsbæ, annars vegar út frá einni lóð, hins vegar út frá tveimur."

Niðurstaða:

Lagt fram til kynningar og umræðu. Frekari umræðum frestað og við áframhaldandi úrvinnslu málsins verði m.a. horft til sviðsmynda slökkviliðsstjóra.

3. Börn innflytjenda í skólum á hbsv. -Sóknaráætlun 2024 - 2404003

Fyrirliggjandi er minnisblað Hrannar Pétursdóttur dags. 9. júlí 2025. Ofangreint áhersluverkefni sóknaráætlunar hefur verið í vinnslu á vettvangi SSH frá árinu



Samtök sveitarfélaga á höfuðborgarsvæðinu

2024. M.a. vegna annarra verkefna sem unnin eru samhliða hefur verið nauðsynlegt að gera ákveðnar breytingar á verkefninu, og þá kom einnig í ljós að söfnun og skráning upplýsinga um umræddan hóp mætti vera samræmdari og skilvirkari. Er nú unnið að úrbótum vegna þess. Við þá vinnu hefur einnig komið í ljós að töluverð skörun er milli þjónustu velferðar- og menntasviða þegar kemur að þjónustu við börn með fjölbreyttan menningarbakgrunn.

Í því ljósi er óskað eftir afstöðu stjórnar til þess hvort skilgreina eigi verkefnið alfarið innan

beinnar kennslutengdrar þjónustu eða útvíkka það þannig að það nái einnig til þeirrar þjónustu sem er á ábyrgð velferðarsviða sveitarfélanna og þannig heildstætt til þeirrar þjónustu sem sveitarfélögin eru að veita þessum börnum.

Verði fallist á víðari efnistöð mun það rúmast innan áætlaðs kostnaðar við verkefnið og ætla má að verklok verði fyrir lok ársins.

Niðurstaða:

Lagt fram til kynningar og umræðu. Hrönn Pétursdóttir verkefnastjóra verkefnisins verður boðið að koma á fund stjórnar 1. september nk. til að skýra frekar kosti og galla við hugsanlega útvíkkun á efnissviði verkefnisins.

Þorbjörg Gísladóttir sveitarstjóri Kjósarhrepps tekur sæti á fundinum.

4. Höfuðborgargirðing - Erindi - 2508002

Fyrirliggjandi er erindi Helgadalshéð ehf. dags. 13. ágúst 2025. Lagt er til að skrifstofu SSH verði falið að vinna málið áfram.

Niðurstaða:

Samþykkt.

5. Forkönnun á sameiginlegum innkaupavef sveitarfél. innan SSH - Sóknaðaráætlun 2024 - 2404005

Forkönnun á sameiginlegum innkaupavef sveitarfélaga á höfuðborgarsvæðinu er eitt af áhersluverkefnum sóknaðaráætlunar 2024. Fyrirliggjandi til kynningar er minnisblað um stöðu verkefnisins. Framkvæmdastjóri kynnir.

Niðurstaða:

Verkefnið verði unnið áfram á vettvangi SSH til samræmis við tillögu í fyrirliggjandi minnisblaði. Jafnframt fari fram frekara samtal við innkaupadeildir eða fjármálastjóra sveitarfélaganna vegna þessa verkefnis.

6. Lykiltölur hins byggða umhverfis - Sóknaðaráætlun 2025 - 2502013

Eitt af áhersluverkefnum sóknaðaráætlunar árið 2025 er greining á lykiltölum hins byggða umhverfis. Gengið hefur verið til samninga við VSÓ ráðgjöf um verkefnastýringu og er samningur þess efnis lagður fram til kynningar, en á 601. fundi stjórnar var framkvæmdastjóra falið umboð til gerðar samninga vegna áhersluverkefna ársins 2025.

Niðurstaða:

Lagt fram til kynningar



Samtök sveitarfélaga á höfuðborgarsvæðinu

7. Innviðagreining og þróun húsnæðismála - Sóknaráætlun 2025 - 2502012

Eitt af áhersluverkefnum sóknaráætlunar árið 2025 er innviðagreining og þróun húsnæðismála. Gengið hefur verið til samninga við VSÓ ráðgjöf um verkefnastýringu og er samningur þess efnis lagður fram til kynningar, en á 601. fundi stjórnar var framkvæmdastjóra falið umboð til gerðar samninga vegna áhersluverkefna ársins 2025.

Niðurstaða:

Lagt fram til kynningar

8. Önnur mál - 2110011

Fyrirliggjandi til kynningar er tölvupóstur forsætisráðuneytisins vegna nýrrar atvinnustefnu sem nú er í mótnun. Áformaskjal um stefnuna hefur verið birt í samráðsgátt stjórnvalda og einnig er verða áherslur ríkisstjórnarinnar í væntanlegri atvinnustefnu kynntar á sérstökum morgunfundi 4. september nk.

Hanna Borg Jónsdóttir, verkefnastjóri farsældarráðs höfuðborgarsvæðisins, minnir á sameiginlegan TEAMS-fund stjórnar SSH og velferðar- og fræðslustjóra sveitarfélaganna miðvikudaginn 20. ágúst kl. 8:30-9:00. Fundurinn er haldinn samkvæmt beiðni sem sett var fram á stjórnarfundum SSH 2. júní sl. Fundarboð hefur þegar verið sent.

Niðurstaða:

Lagt fram til kynningar

Fleira ekki gert. Fundi slitið kl. 14:00.